

Nim. 202.25

DEKRÈ EGZEKITIF

**Kontinyite Sispansyon ak Modifikasyon Tanporè Lwa yo
Ki gen rapò ak ijans nan sitiyaasyon katastwòf la**

LÈ NOU KONSIDERE, nan dat 7 mas 2020 an, mwen te pibliye Dekrè Egzekitif Nimewo 202 a (Executive Order Number 202) pou deklare yon ijans nan sitiyaasyon katastwòf nan Eta a pou tout Eta New York la; ak

LÈ NOU KONSIDERE, yo te dokimante alafwa ka transmisyon COVID-19 ki gen pou wè avèk vwayaj ak ka transmisyon COVID-19 akòz kontak nan kominote a nan Eta New York epi yo prevwa sa pral kontinye toujou;

KOUNYE A, AN KONSEKANS, Mwen, Andrew M. Cuomo, Gouvènè Eta New York, konfòmman a otorite ke lalwa bay mwen selon Seksyon 29-a nan Atik 2-B nan Lwa Egzekitif la (Executive Law) pou sispann oswa modifiye pwovizwaman nenpòt lwa jeneral, lwa lokal, òdonans, dekrè, règ, oswa règleman, oswa pati ladan yo, pou nenpòt ajans pandan yon ijans nan Eta a pandan yon ijans nan Eta a poutèt katastwòf, si respè lwa jeneral, lwa lokal, òdonans, dekrè, règ, oswa règleman sa yo ta anpeche, jennen, oswa retade mezi ki nesèsè pou fè fas a ijans katastwòf la, oswa si sa nesèsè pou bay asistans oswa èd pou fè fas a katastwòf sa a, avèk dokiman sa a, ap sispann oswa modifiye pwovizwaman, pou peryòd soti ant dat Dekrè Egzekitif sa a jiska dat 29 me 2020, sa nou pral site la yo:

- Soudivizyon (a) ak (e) nan seksyon 401.3 ak seksyon 710.1 nan Tit 10 nan NYCRR la, ak Pati 709 ak 710 nan Tit NYCRR la, ak nenpòt lòt règleman ki aplikab yo, nan tout anplè ki nesèsè pou pèmèt Komisè Sante a apwouve epi sètifye espas akouchman ki dedike tanporèman yo ki jere pa lopital akouchman ki aktyèlman gen lisans yo ak sant akouchman ki aktyèlman gen lisans yo;

AN PLIS DE SA, konfòmman a otorite ke lalwa bay mwen selon Seksyon 29-a nan Atik 2-B nan Lwa Egzekitif la pou pibliye nenpòt enstwiksyon pandan yon ijans nan sitiyaasyon katastwòf ki nesèsè pou fè fas ak katastwòf la, mwen, avèk dokiman sa a, ap pase enstwiksyon nou pral site la yo pou peryòd soti ant dat Dekrè Egzekitif sa a jiska dat 29 me 2020:

- Enstwiksyon ki gen rapò ak moun ki bay sipò pou pasyan akouchman yo ki genyen nan Dekrè Egzekitif 202.13 ak 202.12, avèk dokiman sa a, li modifiye pou mande nenpòt etablisman atik ventywit, ta dwe, kòm yon kondisyon akreditasyon, pèmèt nenpòt pasyan ki ap akouche yo gen bò kote yo: yon moun ki ap bay sipò, ki pa gen sentom COVID-19 yo, pandan akouchman an, epi rete tou pandan pasyan an nan lopital la; ak oswa yon fanm saj, ki pa gen sentom COVID-19 yo, pandan akouchman an, epi rete pandan pasyan an nan lopital la;. Prezans yon moun ki bay sipò ak/oswa fanm saj pral sijè a eksepsyon pou nesèsite medikal ke Komisè a te detèmine.
- Enstwiksyon ki genyen nan Dekrè Egzekitif 202.10 la bay Komisè Sante a otorizasyon pou li òdone tout lopital jeneral, sant chiriji anbilatwa yo, sant pratik ak dyagnostik ak tretman chirijik ki fèt nan biwo yo pou ogmante kantite kabann ki disponib pou pasyan yo, ki enkli apati anilasyon chiriji ak pwosedi ki opsyonèl yo, avèk dokiman sa a, li modifiye sèlman kote sa nesèsè pou otorize lopital jeneral yo fè chiriji ak pwosedi ki opsyonèl yo depi yo ranpli kritè nou pral site la yo: nan yon konte, kapasite total ki disponib pou resevwa pasyan nan lopital la plis pase trant pousan epi kapasite ICU total ki disponib nan lopital la plis pase trant pousan ak chanjman total, soti depi 17 avril 2020 rive 27 avril 2020, nan kantite pasyan ki ospitalize yo ki pozitif pou COVID-19 yo mwens pase dis; pou chak lopital ki nan konte a ki te ranpli kritè elijibilite a, kapasite total ki

disponib pou resevwa pasyan nan lopital la plis pase trant pousan epi kapasite ICU total ki disponib nan lopital la plis pase trant pousan ak chanjman total, soti depi 17 avril 2020 rive 27 avril 2020, nan kantite pasyan ki ospitalize yo ki pozitif pou COVID-19 yo mwens pase dis. Komisè Sante a gen otorizasyon pou li pase enstwiksyon pa rapò a aplikasyon kritè sa yo. Lopital jeneral ki gen otorizasyon pou yo fè chiriji ak pwosedi ki opsyonèl yo dwe rapòte, pou minimòm, kantite ak tip chiriji ak pwosedi yo te fè yo bay Depatman Sante (Department of Health) a, nan yon fason ke Komisè a te preskri. Lopital jeneral ki pa ranpli kritè pou kapab fè chiriji ak pwosedi ki opsyonèl yo ki genyen nan enstwiksyon sa a ka mande yon egzansyon pou entèdiksyon an, lè yo ap soumèt yon plan ki enkli, pou minimòm, kapasite etablisman yo a, konfigirasyon fizik, pwotokòl maladi enfektye yo, ak kapasite pèsònèl yo, ki enkli nenpòt enfòmasyon sou difikilte anplwa ki aplikab yo ki gen ladan nenpòt rediksyon nan mendèv yo, ki enkli konje yo, ki te rive akòz enkapasite etablisman sa a pou li fè chiriji ak pwosedi ki opsyonèl yo, oswa nenpòt rediksyon nan mendèv yo, ki enkli konje yo, ki ka rive imedyatman akòz enkapasite etablisman sa a pou li fè chiriji ak pwosedi ki opsyonèl yo, bay Depatman Sante a, nan yon fason ke Komisè a te preskri. Lopital jeneral yo pa ta dwe fè okenn chiriji ak pwosedi ki opsyonèl pou pasyan yo jiskaske chak pasyan sa yo te teste negatif pou COVID-19 apati yon tès apwobasyon, epi lopital la ak pasyan an te konfòme yo anba enstwiksyon anvan operasyon ak anvan pwosedi yo nan yon fason ke Komisè a te preskri.

F È T anba siyati mwen ak So Prive Eta a nan Vil

Albany nan vennevèm jou mwa avril

nan ane de mil ven.

SOU LÒD GOUVÈNÈ A

Sekretè Gouvènè a